

Ordinaziun davart l'adöver da las localitats da la Corporaziun evangelica Scuol/Tarasp

as basond sün l'artichel 4 alinea 2 da la ledscha davart l'adöver da las localitats da la Corporaziun evangelica Scuol/Tarasp

relaschè dal consistori als 12 december 2008

I. Disposiziuns generalas

Art. 1

¹ Ils cuosts chi naschan a la Corporaziun evangelica Scuol/Tarasp (corporaziun) in connex cun occurrenzas religiusas e culturalas vegnan inchargiats in mincha cas al chaschunader. Princip

Art. 2

La corporaziun metta a disposiziun la baselgia San Geer a Scuol, la baselgia da S-charl e las localitats dal plan terrain in chasa da pravenda cumprais las parts integralas ed accessorias. Object

II. Dret fuormal

Art. 3

¹ Dumondas per far adöver sun d'inoltrar in scrit al consistori, il qual decida definitivmaing. Dumandas per far adöver

² La dumonda ha da gnir suotascritta da las persunas respuonsablas. Plünavant esa d'agiunscher üna descripziun detagliada sur da l'occurrenza.

Art. 4

La dumonda ais d'inoltrar almain ün mais e mez avant l'occurrenza. Termin

III. Dret material

Art. 5

¹ Pel organist resp. Organista,¹⁾ pel caluoster resp. caluostra, per l'ulteriur persunal, per l'energia ed otras expensas da la corporaziun vegnan Cuosts e taxas

¹⁾ Tenor reglamaint da salarisaziun organists ed organisatas (CLB 937)

Ordinaziun davart l'adöver da las localitats da la corporaziun

inchaschats ils cuosts effectivs cumprais las pajas e la part dal patrun vi dals cuosts da las sgüranzas socialas.

² La taxa d'adöver in sen da l'artichel 6 alinea 3 da la ledscha davart l'adöver da las localitats ecclesiasticas importa

- a) per la baselgia refuormada San Geer a Scuol, pel orgel, il palc mobil e l'infrastructura 500.- francs. Scha l'orgel, il palc e l'infrastructura nu vegnan dovrats plainamaing, as redüa l'import correspudentamaing
- b) per la baselgia da S-charl 100.- francs, per nozzas 200.- francs
- c) per la sala sül plan terrain da la chasa da pravenda, pel palc, la cuschina e l'infrastructura 200.- francs. Scha las localitats e l'infrastructura nu vegnan dovradas plainamaing as redüa l'import correspudentamaing.

³ La taxa d'adöver minimala sainza ils cuosts chi naschan a la corporaziun importa 50.- francs.

IV. Disposizuns finalas

Art. 6

Entrada in vigur

¹ Quaist'ordinaziun aintra in vigur als 1. schner 2009.

² Cull'entrada in vigur da quist'ordinaziun sun abolidas tuot las disposiziuns d'oters relaschs chi stan in cuntradicziun cun quella.

Corporaziun evangelica Scuol/Tarasp

Il president

l'actuar

Jachen Erni

Richard Marugg-Schüpfer